



Amt für Volksschule und Sport
Uffizi per la scola populara ed il sport
Ufficio per la scuola popolare e lo sport

COMMUNICAZIUN DALS RESULTATS ED ADMISSIUN A LA SCOLA DA TALENT INVISTA DA L'EXAMEN E VIA GIUDIZIALA

Ils resultats da l'examen e las decisiuns d'admissiun da las scolas da talent vegnan communitgads a las candidatas ed als candidats en scrit. Las brevs vegnan tramessas gievgia, ils 27 da favrer 2025, per posta A.

Scolaras e scolars che han reussì l'examen d'admissiun, han il dretg d'entrar en la scola da talent da lur tscherna tar il proxim termin d'entrada, premess ch'i stettian a disposiziun avunda pazzas en la classa da talent correspundenta. Las instituziuns responsablas per la scola che mainan atgnas classas da talent èn obligadas da permetter a lur scolaras e scolars da frequentar ina classa da talent d'ina autra instituziun responsabla per la scola e da pajar ils daners da scola.

Limitaziun da las pazzas a la scola da talent

Sch'il dumber da candidatas e candidats che han fatg cun success l'examen d'admissiun è pli grond ch'il dumber da pazzas avant maun a la scola da talent tschernida, na pon betg vegnir admess tut las scolaras e tut ils scolars, e la scola da talent sto far ina selecziun.

La scola da talent fixescha ils criteris da selecziun e lur valitaziun en ses urden da scola. En quest connex èn decisivs en spezial ils criteris da prestaziun ed il profil da la scola per il sectur da talent respectiv. Sch'i stattan anc a disposiziun pazzas libras en in'autra scola da talent betg tschernida, pon scolaras e scolars betg selecziunads entrar en questa scola.

Invista da l'examen

Candidatas e candidats che n'han betg reussì l'examen d'admissiun, survegnan la pussaivladad da prender invista dals documents d'examen tar l'uffizi per la scola populara ed il sport, partizun "sport", Quaderstrasse 17, 7001 Cuira. Il termin po vegnir fixà per telefon cun la partizun "sport" (081 257 27 55).

Via giudiziala

Cunter decisiuns da la gruppa directiva concernent l'inadmissiun a l'examen d'admissiun u concernent la nunreussida da l'examen d'admissiun sco er concernent decisiuns da nunadmissiun da las scolas da talent poi vegnir fatg recurs entaifer 10 dis tar il departament d'educaziun, cultura e protecziun da l'ambient.